

laminis brevibus. Pedes maxillares breves, lati; lamina exteriore ultra articulum palpi 2dum porrecta, in margine interno dentibus crebris, validis armata; lamina interiore brevi. Antennæ elongatæ; antennæ inferiores articulo 5to multo longiore quam 4to. Pedes 1mi paris sat elongati; imprimis articulus 4tus; manu invalida, subcheliformi. Appendix caudalis elongata, profunde fissa, ultra pedunculum pedium saltatoriorum paris ultimi porrecta."

- Gen. VII. *Cyphocaris*, Lütken, n. g. "Mandibulæ brevissimæ; palpo longo et latissimo, in eadem altitudine ac tuberculo molari robusto affixo. Maxillæ 1mi paris palpo apicem versus dentibus paucis sed validis et una seta prælongata plumosa armato; lamina interiore elongata, et in margine interno setis multis plumosis instructa. Pedes maxillares lamina exteriore brevissima, in margine interno dentibus paucis sed validis armata; palpo prælongato; articulo 1mo et 2do eadem longitudine; articulo 4to cylindrico, non ungviformi, seta robusta plumosa instructo. Antennæ inferiores articulo 1mo ab integumentis capitis non tecto, sed extus visibili, in incisura eorundem sito. Pedes 1mi paris parvi; manu apicem versus acuta, vix subcheliformi. Pedes 2di paris elongati, ungue destituti. Appendix caudalis profunde fissa, longe ultra articulum basalem pedium saltatoriorum paris ultimi porrecta. Segmentum trunci 1mum valde gibbosum; caput sub anulo situm, ex parte tectum; epimerum 1mum nullum, 2dum parvulum; 3tium et 4tum coalita, magna."
- Gen. IX. *Aristias*. "Mandibulæ elongatæ, angustæ, in apice vero latæ, sine dente accessorio; tuberculo molari prominenti, acuto, palpo in eadem altitudine infixo. Maxillæ 1mi paris perlata; in margine crebras setas plumosas gerentes; lamina interiore etiam brevi, ovata, in apice crebris setis plumosis instructa; at palpo angusto, in apice paucis spinis instructo. Maxillæ 2di paris item laminis latissimis, in margine setis multis instructis; lamina exteriore angustiore quam interiore. Pedes maxillares lamina exteriore permagna, in margine setis paucis modo armata et ferme ad finem articuli palpi 3tii porrecta; articulo palpi 3tio brevi et gracili; 4to ungviformi; lamina interiore brevisima, triangulari, ad basin lata, et in apice uno dente et setis pluribus plumosis armata. Antennæ superiores pedunculo elongato, angusto. Pedes 1mi paris manu apicem versus angustiore. Pedes 2di paris elongati; manu sat angusta. Pedes saltatorii paris ultimi ramo interiore paulo brevior quam exteriore; ramo interiore in margine externo et interno serrulato, exteriore in margine interno modo. Appendix caudalis brevissima, non ad finem pedunculi pedum saltatoriorum ultimi paris porrecta, usque ad basin fissa."
- Gen. XI. *Onisimus*. "Hypostomum prominens. Mandibulæ palpo in eadem altitudine ac tuberculo molari mediocri affixo; in apice dente firmo et dente accessorio angusto instructæ. Labium inferius laciniis in apice spina una armatis. Maxillæ 1mi paris lamina interiore parva, ovata, in apice setas duas plumosas gerenti; palpo in apice 5-6 spinis instructo. Maxillæ 2di paris laminis brevissimis; exteriore duplo fere longiore quam interiore. Pedes maxillares laminis exterioribus parvis, non ad finem articuli palpi 2di porrectis; in margine interno nodis paucis et in apice dente una instructis. Epimera quatuor anteriora angusta; epimerum 4tum subcurvatum. Angulus inferior posticus segmenti postabdominis 3tii acutus. Antennæ plus minusve prælongatæ. Antennæ inferiores articulo 5to brevior quam 4to. Pedes 1mi paris brevissimi, robusti; manu quadrangulari, in acie oblique truncata. Pedes saltatorii ultimi paris ramis brevibus. Appendix caudalis sat brevis, non ad finem pedunculi pedum saltatoriorum ultimi paris porrecta."
- Gen. XII. *Menigrates*. "Mandibulæ brevissimæ; palpo brevi, profundius quam tuberculo molari robusto affixo. Maxillæ 1mi paris lamina interiore ovata, in apice setis duabus plumosis instructa; palpo in apice paucas spinas gerenti. Maxillæ 2di paris laminis medio-criter elongatis. Pedes maxillares latissimi, breves; lamina exteriore ultra finem articuli palpi 2di porrecta, paucis spinis gracilibus et nodis et in apice spina una valida armata; articulis palpi brevissimis et latis; articulo 4to processum brevem, obtusum, tuberculiformem